

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26

deli
得力集团有限公司
浙字02260122号 No.6230



善
437
8712
云南省图书馆



01.124











臨野堂集序



己年

臨野堂集序



天下惟實浮於名者一時無赫
之譽而傳之久而愈光其名
浮於實者反是夫名生于人知
自淺陋者之急於求知輕自銜
鬻也於是大雅之士耻之抱其

所有深藏固蓄不屑與悠々泛
者爭短長而以俟夫真知獨
契者此其自信者誠篤而期待
者甚遙然天下大矣安必同時
無相知而必求諸異日之子雲
乎連城之璧韞櫝而藏何如置
諸五都之市以待人之賞識其

乎連城之壁韞櫝而藏何如置
諸五都之市以待人之賞識其
有不賞責不在我矣玉樵鈕子
與余生同里少同學知其才筆
軼羣而性情孤迥凡世間文士
所為者皆優為之且覃精潛思
以造其工而未嘗稍自表襮其

以選拔入成均也操觚之士輻
輳國門各挾所長以求人知而
玉樵居其間粥粥若無能者稠
人廣會每一篇出未嘗不探驪
得珠使人自失然卷而懷之如弗
及公卿中有真賞者或延致之
贄卷呈身則有所不屑以故人

及公卿中有真賞者或延致之
贄卷呈身則有所不屑以故人
知之者希而君亦未嘗以著作
自命有索觀其詩文者輒遜謝
不工余曰此非謙也傲也以為
世人無足知我也迨既服官連
宰三縣而政暇輒讀書纂言益

脩舊業不廢此非好學深思中
有獨得而能然乎今歲余遊廣
州君在高明忽緘其生平著述
屬余論定余竊幸君之傲少減
而以余為粗能知君也受而卒
讀多徃年所未見者大抵詩章

綺拔而雋永一篇中必有沉思

讀多徃年所未見者大抵詩章

綺拔而雋永一篇中必有沉思
警語造微詣極言簡指深繹之
殊有餘味諸體雜文各有理趣
匠心獨運非苟作者而余尤愛
其四六駢體綜經緯史索隱鉤
深取材必新使事必奧精切典

雅不纖不靡披之雲錦爛然按
之意義簡遠即連珠尺牘斷章
片語亦多雋雅可味蓋以選體
為骨而澤以徐庾之藻采文質
相宣有典有則視今之以四六
名家專尚風華色澤者相去遠

甚而時譽常在彼而不在此宜

名家專尚風華色澤者相去遠

甚而時譽常在彼而不在此宜
君之俯視一切卷舌而不談也非
直詩文而已君之作宰刻意為
廉吏操行堅苦皜然不淄所至
多異政民歌思之而君亦不求
人知曰吾行吾意而已要譽沽

名不忍為也嗚呼舉世滔滔利
名所在趨之如鶩而君澹泊寧
靜始終不渝縱其文辭不甚工
猶足傳世而况卓然成一家言
乎君即無意問世為子弟者宜
速梓行以廣其傳世寧無賞奇

音耽真味者毋曰知希我貴也

速梓行以廣其傳世寧無賞竒

音耽真味者母曰知希我貴也
康熙己卯仲冬同學弟潘耒撰



序

臨野堂文集

總目



臨野堂文集

總目

卷一

賦

卷三

啟

卷五

序

卷七

祭文

行狀

卷二

啟

卷四

序

卷六

記

卷八

題跋引讚說銘

卷九

外篇

卷十

雜言

臨野堂文集卷一

吳江鈕

琇玉樵著


臨野堂文集卷一

吳江鈕 琇玉樵著

賦

秋悲賦

維玉衡之旋指兮乃躔序夫凜秋重雲凝而黯黹
兮驚飈集而颼颼寒林靜而亭臯晚爽籟發而烟
景浮瑟瑟兮梧桐金井娟娟兮楊柳銅溝斯時也
青女司晨清風戒寒孤劍失意客子衣單酒酣日
落居人閨掩抱疴者尚卧茂陵銜冤者不歸梁苑
於是江南少年孤坐蘭館攬翠裘而未御歌白紵



而猶緩左擊玉甌右操銀管傾遐恨於鳳毫陳庶
情于瑤簡爾其鄴中上客洛下名賢陳思好士珥
筆華軒輿輪徐動夜詣後園珠露沾衣銀漢流天
見槁葉之微脫望皓魄之空懸雁字沉衡陽之浦
離人阻木蘭之船客遊倦兮萬里故鄉望兮渺然
積思風雨寄恨雲烟若夫漢將防邊孤軍遠度關
塞蕭條山川回互風捲寒沙雲平古樹埃火息而
啼鴉獵鷹歸而走兔首蒼高兮宛馬肥蒲萄醉兮
燕姬寤吟笳瀚海之天戰骨青蕪之路刁斗連雲
弓刀飲露雄心憤薄迴皇四顧豈功成猶未召兮
應奸入之內妬恐年歲其將迫兮慨封侯之已暮

燕姬寤吟笳瀚海之天戰骨青蕪之路刁斗連雲
弓刀飲露雄心憤薄迴皇四顧豈功成猶未召兮
應奸人之內妬恐年歲其將迫兮慨封侯之已暮
至如秦宮八子珠樓晚箏漢家良娣綠綺新聲蘭
薰未絕寶枕初橫翠華過兮香塵杳絲綦寂兮蒼
苔生畫梁空兮笑歸燕玉階淨兮坐流螢雕欄鸚
鵡語銀綆轆轤鳴御文茵之鬱燠置紈扇之淒清
維溫涼之異宐知新故之代更君恩兮不再妾恨
兮徒盈或有中散哀琴賓王幽鞫身繫北闕妻子
滿獄輕塵入戶飛蓬斷日赤髮宵行青燐晝哭庭
咽悲蟬含止妖鵬雨載塗兮淒淒風墮林兮蔌蔌
問叢桂于故山馳羈魂以相逐占肅殺之在金詎

胥靡之可贖非時危蹈于禍機乃才高繫于名梏
悔不戒乎履霜早遂終其初服一旦魂斷愁縈枯
鬪况乃五陵豪族六郡良家曾來幽巷本號仙娃
長辭鳳閣投迹龍沙鄣亭衰樹驛路疎花暮埃點
兮畫屐曉霧漬兮香莎忽薄寒之中人送落月之
西斜當旅舍以授衣橫玉筍于蠟紗歎一去兮不
復還寄孤夢兮在天涯別有寺文人潯江司馬
商婦琵琶細君魚鮓叩清商玉竿擊桂櫂剪蘭
爓星落征蓬岸無行者雲寺鐘遙邨龙報夜別浦
則漁艇迷離遠市則酒旗低亞蒼波無極青山如

寫念天地之悠悠終愁殷而懽寡何人生之有盡

則漁艇迷離遠市則酒旗低亞蒼波無極青山如
寫念天地之悠悠終愁殷而懽寡何人生之有盡
乃長勤于大化攬衣俯仰愴然淚下又若柴桑荒
徑黃花滿籬武昌南樓明月淒其少陵野老風烟
漢陂上京羈宦鱸膾蓴絲莫不感慄慄而懷辛睹
蕭瑟以興悲乃爲之歌曰橘下洞庭兮楓冷吳江
芙蓉零落兮草綠三湘百蟲就蟄兮蛟龍遯藏旣
動靜之有期兮亦枯菀之有常願與時而偕適兮
獨縱心以徜徉

亦園賦

亦園非園也歲在丙寅侍讀尹公典權湖口除

其署之隙地結宇三楹盆卉籠禽周乎其外操
簡而進余曰是亦可園也請先生賦之以榮江
山之觀遂點筆爲亦園賦

維黃輿之效奇忽吳楚之中坵點匡廬以結峰導
彭蠡以滙澤集千檣于空明倚孤城于深碧峙天
塹之巖關因設險而樹戟若夫石韻雙鐘鄉依五
柳橋偃虹飛浦旋蛟走夢來分風之僊詩載停雲
之叟橫今古于荒途遡江山而尚友疇作鎮于名
區闢溟濛于巨手迺者珥貂國望繡虎朝英問年
則三十公輔貯才則八九洞庭辭鳳池以握節鼓
雀舫而建旌弛漢酤兮勿亟衡夏石兮何平吏有

區闢溟濛于巨手迺者珥貂國望繡虎朝英問年
則三十公輔貯才則八九洞庭辭鳳池以握節鼓
雀舫而建旌弛漢酷兮勿亟衡夏石兮何平吏有
乘冰之立客無載愁之行鶴言堂靜香伴人清爰
擇隙以疏基復芟蕪以拓武布雁柱于重櫟奮翬
簷于迴廡椽無采而貌新牆不雕而制古一洲草
色遠欲侵簾半嶺雲光近能窺戶維時徑開碧蘚
幕啟紅蓮劔抽蕙直珠紉蘭圓榴染裙兮非妒竹
墜粉兮逾堅别有舞到牕雞歌來籠鳥彩分鳳而
文多慧過鸚而語巧雀自喜于階馴鷗無驚于波
浩矧屢值夫公餘洵足資其幽討當其圭移日緩
絃報風薰綠村浮兮鏡曉紫瀾動兮穀曛屋置林

端帶危松而倚壁帆歸天際逐高鴻而出雲瘦鳥
臨沙勢懸若接怒濤雜雨響定猶聞至乃月挂纖
鈞波搖素練起鴉點于前林來鐘聲于隔岸迷離
漁火低隱碧烟歷亂渚星倒流銀漢時方際夫朱
陽景朝殊而夕變况雪後與花初豈易窮乎壯觀
于焉屏騶騎延鴻賓一旗鬪茗千絲擷萼莫愁之
曲薦旣醉之篇陳坐薤葉以分題舒牋粉膩貫楊
枝而命矢釋箠膠勻志非期乎玩物理仍愜乎字
人觀夫構舫歐齋披榛謝屐憂未絕于邊籌娛或
偏于墅奕何萃勝於茲園固目遇而心獲樹蔥蒨

以待餐石璫瓏以藉席願剪水今半江將攜歸今

人觀夫構舫歐齋披榛謝屐憂未絕于邊籌娛或
偏于墅奕何萃勝於茲園固目遇而心獲樹蔥蒨
以待餐石璣瓏以藉席願剪水兮半江將攜歸兮
狂客

蜀葵賦

玉溪之澄金岫之明中有隱吏擁書面城引翠蓮
以挹秀佇商芝以掇英緬河陽之雅化羅嘉卉於
中庭於是覆綠沈扉垂朱壓榭日永麥秋風薰槐
夏梅吟何遜已零落于簷前菊對陶潛尚徘徊于
籬下維茲葵之吐艷羣暘傾而露瀉爰揣稱其芬
菲揮霞光于清暇當夫凌霜植早緼火培深修莖
抽於乍暖茂葉湧于多陰高不踰丈低亦侔尋蠹

亭亭其離立紛囂囂其交侵恍儼都之集珮儼王
會之合琛颺翠旌之颯奕樹絳節之斌森迨乎疊
萼勻敷分苞競坼妍似舜而常榮弱非蒲之可藉
鶯領圍紅檀心暈碧玉纍臺而九重錦成林而五
色疑才子之降蓉城類墨卿之臨芝室燦織漢之
雕章絢夢江之彩筆爾其蘊隆占序翕絕書辰薜
瘁懸門之幄苔銷曳壁之裊櫺舒裙而已縐護展
黛而還顰何挺枝之蓊鬱乃布蔭之繽鱗克庇根
于晴昊竟固本于焦旻拳受顛而諫楚睢忘脅而
謨秦覩小草之有智能無歎乎斯人至乃揚葩瓊

澁之間擢穎綺疎之側馳暉則弱線添長躋影則

謨秦觀小草之有智能無歎乎斯人至乃揚葩瓊
澁之間擢穎綺疎之側馳暉則弱線添長躋影則
端圭表直高曦東射奮翠的以相迎圓曜西頽迴
丹雘而金灰洵有照兮必隨曾無時之偶忒莘負
鼎而道孚渭浮璜而勲翊苟傾心以作忠庶靡慙
其芳德載稽葵族實繁有叢猗儺合沓種別名同
蕪城悲夫井廢漆室怨其園空潘叟閑居味永馨
于含露劉郎重到咏逸態于搖風匪藥欄之足看
僅菹豆之堪充此則杜宇偕稱來原自蜀月支久
別號亦爲戎旣披景以娛日遂托物而喻衷邈矣
靈源尚欲求夫六合爛焉官舍又奚累于三公

臨野堂文集卷一終

臨野堂文集卷一



臨野堂文集卷一終

臨野堂文集卷二

吳江鈕 琇玉樵著

啟

爲吳師母乞米布啟

蓋聞元禮生前東漢爭孔融之謁彥升身後西華
發劉峻之悲交以存沒異情事爲古今同慨是以
故人之感銘舊于庾山寡婦之悲慟懷于潘岳嚴
墓吳南村夫子玉山早萎金盃長塵史絕筆于魯
麟賦空樓于遼鶴鱸堂夜燭帳無立雪之人蒿里
晨煙墓有陳芻之客痛夫門東索飯貧亾杜甫之

小男窓北弄琴弱似蔡邕之幼女未畢尚平之嫁
竟絕伯道之祧維吾師母爰及二女食貧無悔茹
苦能貞田非文通半頃之田屋僅元亮百椽之屋
豈意戊戌之歲又延回祿之災孔里蕪原僑宮焦
土蔣生三逕猿鶴皆灰孫子一庭松蘭俱燼於是
顛連誰告漂泊何依欲就食西山則蕨弟薇兄憊
矣叔齊之室欲寄居東里則蚓妻螬母傷哉仲子
之家自此展轉九遷酸辛六載二孤一寡兩地三
居影不得以吊形骨無由而聚肉風霜機杼子母
則絡緯難通蓬梗關河姊妹則棗梨遙隔而且室

無樵婢門乏奚童負曝鎌蔬科頭運甓帶霜緼火

龜手善斲斧逢吳影于雙年春波半窓之一雨島立擎

右景不得以吊并骨無由而聚肉風霜機杼子母
則絡緯難通蓬梗關河姊妹則棗梨遙隔而且室
無樵婢門乏奚童負曝鎌蔬科頭運甕帶霜緼火
龜手擔薪縫淚影于雙眸春破半窓之雨搗泣聲
于十指秋勞四壁之燈斜陽鳴不斷之蟬未聞夏
麥落月飛無依之鵲不見冬衣甌虛陶母之炊豐
年亦菜裙絕馬家之練寒日嘗絺琇等同遊馬鄭
之門皆在張陳之列雖七十人之內亦有簞瓢而
三千子之中寧無駟駟昔日龍門之士往時絳帳
之賓或蠡粟之遺或縷絲之獻聊足資乎炊玉庶
有補乎懸鶉斗尺之謹未敢陳之吾黨釜庾之請
是所告於同人

吟園偶集啟

桃花源外漁人之城郭已非桂樹山中醉客之衣
冠猶是春來秋去幾虛玄度琴尊水遠天長每想
巨源風月米舍人之不作豈能畫裏常逢裴處士
之相知唯有詩中暫識良辰易逝勝會難遭聊尋
蓮社之遊是紀竹溪之樂吟來八斗雲封載酒之
船飛到雙鳧雨洗問花之屐青草入惠連之夢則
聯咏池塘者不可無人白衣過元亮之門則分題
松菊者何須是主一觴已足儉倣蘭亭四韻不成
罰依金谷

請雪厂上人啟

罰依金谷

請雪厂上人啟

摩竭玄城八正之門嘗啟莎羅淨土五行之軾可
憑是以曜慧日於康衢則漆燈夜曉蔭法雲于樂
國則火岫晨涼倘玉甃之猶陳豈金輪之未轉雖
貫花清淨將彼岸獨證無邊而悟石慈悲必此域
同歸有覺伏惟雪公心空物外道妙人間威光直
解疑狐神力已馴醉象向以濟川演乘傳戒寶于
雲林今則禹穴探竒建智幢於香地故知蠲埃離
穢道無取乎粃糠然念拯溺救焚事必先乎桑梓
茲啟松陵古剎麻水遺宮名仍明慶之名境卽圓

通之境三花逕冷秋生黃葉而閉關雙樹庭空風
掃白雲而畱榻珠林豈容久寂貝葉尚賴重宣琇
等秦刼餘灰莊園剩夢慾河難息塵岳易崇唯是
鶴想故山終惜道林之一去卽此蓮開新社還期
慧遠之再來伏期法軌斯臨玄風不逃回不舟之
棹而惠濟迷津懸非鏡之臺而鑑窮幽界木樨香
矣雁聲帶銀杖以遶飛秋草萋然月影卽木杯而
竟渡俯登莊座垂賜慈顏爰設香幢式迎杖履

謝仲岷山圖書便面啟

竊以石產青田鏤以重雲之法材呈紫蓋劉爲半
月之形駕彼齊紈等茲漢玉使其入冠軍之幕終

竊以石產青田鑲以重雲之法材呈紫蓋劉爲半
月之形駕彼齊紈等茲漢玉使其入冠軍之幕終
當利于袖中苟其乞刺史之書誰復求之篋內豈
意吟頌素筆篆錫丹緗署字題名預爲龜顧虎蟠
之製浮涼滌暑卽在猿驚雁落之行三筆六詩霧
垂而泉湧二文八體鐵畫與銀鈎佩之敢不銘心
展且未能釋手恐元規之塵起自足障風歎季子
之籛空何當懷綬

爲徐司寇與慕中丞求婚啟

紫氣西來鳳卜啟長祥之席青陽南駐燕禱徵元
吉之辰絲薦五紋繫彩纓于禮幄墨成九子合芳

牘于僊輶惟冀永世以同昌式眷嘉姻而有慶恭
惟某官星巖擢德璜瀨鍾神吞雲夢于文河飛電
霜于武庫城則遠依鶉爵地則近接簪亭山繞崆
峒學授廣成之奧水通涇渭量涵叔度之弘錦縣
數年澤洽盈隄花柳銀毫一紙威深橫海鯨鯢眷
重楓宸鎮移鶴市旬宣方甸樹江淮千里之屏藩
綱紀儲胥掌吳楚二郊之鎖鑰元規樓中嘯咏座
惟風月相親仲淹關內經營胸有甲兵足用九重
赤紱遙分節鉞之司七郡蒼生共托雨膏之蔭渚
遵衮繡龍旂誕紀元勲室茂芝蘭驥子悉稱哲嗣

在玉親家彩鈴授瑞鏤管標英雙玉爲環世顯華

遵衮繡龍旂誕紀元勲室茂芝蘭驥子悉稱哲嗣

在玉親家彩鈴授瑞鏤管標英雙玉爲環世顯華
陰之德五雲作宇家承安石之風振藻槐街名旋
騰于藻榜揚鑣桂苑籍早著于蟾宮才調爭雄獨
高珠幹文章繼武寧數鳳毛某尊水微宗鹿城下
士世忝參軍之裔素以忠厚相貽業慚孝穆之傳
詎曰文華可尚維時季弟昔分蘭譜之榮亦越寒
廬今藉棠封之庇時從燕寢佇聽鴻猷闢畫戟之
重闈龍丘每煩候吏頒瑤緘於遠檄鹿門嘗接郵
筒過蒙降禮之殷遂忘上交之瀆御車有子執鞭
尚慚訓于元方繞膝維孫啖餅忽垂情于太尉爰

從詹尹卜兩姓之吉言因乞蹇修訂百年之嘉會
懼薦蘿之附柏妄冀緣高喜蓬藿之生麻彌懷扶
直幼孫男未諳六七僅嫺梨棗之儀令孫女初識
之無卽受鞶絲之訓文通四義慧聲遠遜神童譽
擅五長淑配必速博士鴛鴦七十錦字初成杵臼
一雙玉烟自暖禮陳不腆纁幣用以告虔義取相
求金音期乎允諾欣占冰語祇布苧情

爲徐司寇與王司農求婚啟

日麗瓊田嘉禮薦雙題之玉雲翔錦幄和鳴占金
翼之凰嬾婉繫纓好遂申乎累葉氤氳合牘介實

藉乎高禴爰卜展慶之辰式致告虔之贄恭惟某

翼之鳳嬋婉繫纓好遂申乎累葉氤氳合牘介實

藉乎高禴爰卜展慶之辰式致告虔之贄恭惟某
官嶽精鍾德緯耀垂文羅夢鳥于神崖握靈蛇于
智府一水叶弘農之策巷著烏衣三公兆魏國之
槐庭圍綠樹倚龍江而建名族臨桂閣而啟鴻基
帶佩金魚早列筍班上客冠施鐵柱旋標柏里賢
聲進封事于阜囊樞機地軸出持籌于驄馬經緯
天倉碩望則弁冕中州弘詞則丹青元化實惟令
嗣誕振華宗階下三珠早茂上林之植雲間一鷲
先傳閬苑之鳴儼齋親翁揚鑣芳苑濯秀清流席
帽初來簪筆松軒之側褐衣纔脫掄才棘院之中

獻以繼義世號風流獨擅祐能生日人知台衮相
仍某系出南州家依北郭棲遲一第讓達聞于少
年濩落徽官憶飛騰于往歲猶記華亭密邇嘗從
谷水盤桓締縞紵之未歡廁敦槃之高會每聆雄
辨坐起虹霓時挹古懷誼聯金石典型廿年推重
交契再世彌殷竹館芳林手寫德柔詞賦瑣闈椽
燭日驚仲寶才華黍一日之知敢謂和凝傳鉢訂
百年之好寧止元禮通家生子未似仲謀竊慙家
訓有孫或如靈運弗墜門風不揣蓬華之卑妄冀
薦蘿之附爰從冰客以乞金言維是寒門得婚高

閔孫男德淑六齡繞膝老親愛切于含飴令長孫

薦蘿之附爰從冰客以乞金言維是寒門得婚高
閔孫男德淑六齡繞膝老親愛切于含飴令長孫
女七誠受書內則禮嫻於湘藻問郎同里近依孔
雀屏前得婦弱齡早見綵繩月下愧乏奇童之譽
坐據胡床尚賴大家之風範成絳帳自此紅絲引
幔永調錦瑟之絃紫玉攜簫長佇彩鸞之駕敬陳
不腆禮器授自先人允結同諧德音求於君子
儼齋爲東海門下士是時偶有薊蕙故棲遲一
聯及竹館芳林數語皆司寇手自增入
爲徐司寇答王中丞婚啟

霞光麗錦織紫陌之祥烟雁柱調絃報黃花之令

節書傳彩牘舊門高蔭夫三槐幣薦纁奩嘉禮下
頌乎雙璧敢因寵賚用答徽芳恭惟某官和鍾玉
律采授金庭建神標而氣欲抒虹賈文勇而才堪
撤燭烏衣門第久徵淮水之祥占鶴氅風流實本
猴山之仙系化魚石畔橫劍氣于三江折桂堂前
追珠光于二俊次曆湘靈之作藝榜名高長安杜
曲之遊筍班望重旋以賜麻而登水部因之懸鑑
而掌文衡含雞舌之遺香風行髦士收麟蹄之逸
駿化溢蓬門綵筆掄才不止滕王一序絳幃傳學
無非泰伯五經攬勝盡乎匡廬拜章歸乎薛澗鳳

雛繞膝早貶叔武之青箱龍檢馳音仍進子明之

無非泰伯五經攬勝盡乎匡廬拜章歸乎薛澱鳳
雛繞膝早貶叔武之青箱龍檢馳音仍進子明之
赤紱某駒王舊裔麟子微宗幼卽工詞業有慚于
先世晚而獲第名獨後于故人每因河朔英豪謬
登文苑未似廣陵博雅父玷史班維是名邦實鄰
敝里向忝少陵祖姑之戚誼洽葭苕繼從蘭亭昆
弟之遊情伸綺紵尚憶乙未之歲同盟二酉之堂
葯芷迎舟曾載琴尊南浦珊瑚架筆還題風月西
園仕各殊方情猶同體金臺邂逅仍不鄙乎寒微
玉臼贈貽復欲聯之姻好緣絲蘿之舊睦介以冰
言念菅蒯之末交申之月牘校書左掖芳箴未奏

乎茂先坦腹東牀遠器早逢乎逸少令嗣諾成鳳
尾將踰象勺之年小女訓習鞶絲僅解組紉之事
珠林標樹寧傍蒹葭柳絮裁吟尚慚芝蕙書無曹
大家之誠女謬廁詞臣識非晏同叔之知人翻逢
佳壻機中錦字初試鴛紋樓上瓊簫長諧鳳卜路
近萬年之樹式賁星軺箋成五朶之雲兼臨瑤札
永以爲好承筐敬納夫千純罄無不宐奉帚允型
乎萬石

賀顧可亭三月三日舉子啟

臨項子之國梅歲甫週嗣杜母之徽鴻名肇起種

花纔滿已茁蘭芽馴雉欲飛乍投燕彩喜是咏璋

臨項子之國梅歲甫週嗣杜母之徽鴻名肇起種
花纔滿已茁蘭芽馴雉欲飛乍投燕彩喜是咏璋
之慶恰于飲禊之辰記時則良月初鈞問序則吉
爰再索雙鸞簫裏吹來大小珠聲七雁琴邊攜到
後先玉影繡閣之繩宐頌作錦郊之襁負風成節
今日浮盞懸鈴瑞叶鳳肩才子看明年提戈取卽
貴徵虎額通侯愧乏玉果之貽敬致綺端之獻

答張澄城啟

星懸河際朱輪公子之家書受橋邊黃石仙人之
畧迺者訕鸞棲之德振采關中兼之秉燭照之才
分輝境外地繁當借允惟尹子之相宐民靜爲歌

孰是鄮侯之可繼弟倦遊冀北十載畱燕薄宦缸
南一身依洛白雲虛望已無捧檄之歡朱芾濫膺
彌有試鉛之懼所幸風流匪遠邀芳規於曳柳之
前緯畫旣周竊美錦于種花之後忘顧形而自穢
喜循轍以靡愆虺馬修途愧未將乎一羽瑤槭旅
舍辱先至乎雙魚豫切葵傾附伸蕪報

謝朱高陵惠筴墨啟

當繡紱初懸之後又芳莢欲佩之辰未將芹悖翻
奉瑤書假以錫直之榮心籌益展示其知玄之守
腹籍逾增所當偕彼石君待發青鏤之夢抄維雲

子還成赤羽之吟感莫罄于銀毫惠已隆于玉案

腹籍逾增所當借彼石君待發青鏤之夢抄維雲

子還成赤羽之吟感莫罄于銀毫惠已隆于玉案
敬登二賚附謝羣珍

答段守府啟

百斛騰文九苞颺采遡世勲於沂水忠笏猶傳振
家學于芮城清廬可式揮毫而烟雲落紙久成磨
盾之才運籌而尊俎生風早赴翹關之選因杼雄
畧遂掇巍科甫開玉帳正伸華杖策之年旋縮銀
符卽好時封侯之地攬貂裘於芳夜應聞一范輿
謠倚蓮鐔於高秋允作三秦屏蔽弟謬膺芻牧竊
慕雅歌遙瞻嘯月之樓神依森衛近接建牙之鎮

輝溢荒圻未效駉驅驚先頒乎尺素用將韋獻謹
少展其芟私欣寶校之初臨蔭逢大樹愧紵衣之
末契儀等微芹

臨野堂文集

臨野堂文集卷三

臨野堂文集

臨野堂文集卷三

吳江鈕 琇玉樵著

啟

答李子德內翰啟

琇聞函關下吏攀牛駕而乞言魯郡少年叩龍門
而投刺迎爲國士非無平棘之箏號以經師獨有
盱江之鐸凡此賢稱史牒悉皆系出仙根况乎九
曲東流黃懸日下三峯南湧翠繞雲中地屢發乎
雅音天特疏其井野田家泉石勝址相依神氏琴
尊貞標可望璜浮在水非止鍾漱藝之才芝採惟

山亦每毓捐榮之客恭惟先生考亭學正同谷吟
高敏捷千篇金薤垂謫仙之筆牢籠百氏珊瑚集
秘監之門兼乃芻涉孫吳畱邊籌於劔幕繼而深
探河洛闡理奧於書幃維時玉壘旣平石渠始闢
鴻詞之綸甫下鶚薦之牘頻投處士星多悉懸藜
閣伊人水遠盡達瀛洲先生則易筮匪躬勉從人
爵詩歌有母切念天倫應制三章洗千載科名之
陋陳情一表驚九霄袞冕之尊爰降殊恩竟還初
服羣公滾滾誰能接軌而來大宇寥寥僅見披帷
斯在還山屏貴此真今日長源署吏稱高寧數當

年孟節琇政疎馴雉性溺雕蟲才未敏于八義氣

斯在還山屏貴此真今日長源署吏稱高寧數當
年孟節琇政疎馴雉性溺雕蟲才未敏于八義氣
盡靡于五斗再沾微祿徒銜逮親捧檄之悲一寄
荒疆難覲對客漉巾之樂幸茲彭衙故地近接星
堂乘彼臘月餘辰遄臻錦里雪殘重澗若失修途
鴉集孤村忽忘窮晷登歐陽之第始知海內文章
覩皇甫之顏自別人間姓字爰蒙掃榻更遇張筵
綺席珠霏寒銷永漏銀燈花燦春發深盃惜踰宿
而旋歸慚淡旬而繼出乍來玉樹闕然倒屣之迎
載錫瑤槭率爾空函之答榮逾享帚懼切臨冰瞻
仰高輝唯覺心隨威鳳循環佳詠便同手握靈蛇

看白沙翠竹之非遙尚容置驛待素月紅鑪之復
御莫吝嗣音

又

柳舒梅綻春事方濃樗散蒲零駒光已邁一官拓
落弧矢之志未酬三載棲遲松菊之思徒切所幸
近獲依仁時聞析義恍蓬池之如接漑以詞源欣
芝宇之載親示之行矩式瞻關學益愧吳蒙乃者
莪詩久廢每感降于庚寅馬齒漸加更懼生于甲
子不謂兕觥下錫鴻筆遄頒旣纁篋之陸離復彩
宅之稠疊謝家玉樹遙賁山中緱氏瑤笙旋聞天

上此函關尹喜乍逢雲笈相貽卽勾漏葛洪難與

宅之稠疊謝家玉樹遙賁山中緱氏瑤笙旋聞天
上此函關尹喜乍逢雲笈相貽卽勾漏葛洪難與
丹砂金購者也敬受佳篇永存陋室懸藜之照附
完隆幣預占元公袞繡之華俟十日而叩龍門藉
歸緘而通鯉素

又

流光似羽微秩空沾旅髻爲絲舊山遠別發狂吟
于詩草未期丁卯之傳寄痛飲于騷經又歷庚寅
之降驚逢青鳥恍接蓬池欣見朱霞爛盈葦室惟
是杏耕伊始野歎罄如茗役無休民歌勞止三星
映留愧看南極之懸二月鬻絲忍見東皇之笑是

以杜門求過攬絃懷慙幽酒雖攜堂下屏稱觥之
兕河冰旣泮階前辭入饌之魚亦何意于秩筵乃
忽邀夫明賜然而贈之白雪同獲瑞於豐年錫以
素絲并示箴其嫵節珠生字裏如來函谷之貽鯨
起緘中敢效杜陵之拒敬承三物感切五中

謝李子德惠筆筴啟

雪隱墻腰陽回隴首良書敷賁荒署騰輝先生學
積琳瑯德涵葑菲乃者冗詞哇響旣蒙弁以甫言
至于卮語猥談亦復緯之郢點被裸人以文繡華
過星垂授朦叟以金篦豁同霧撥屢荷指南之誨

逾增硯北之慙載覽瑤華兼膺綺篋揮綠沉而弗

過星垂授滕叟以金篋豁同霧撥屢荷指南之誨
逾增硯北之慙載覽瑤華兼膺綺篋揮綠沉而弗
惜如從鳳凰池上之遊鐫白暗以相貽允誌鸚鵡
粒前之感

答許山濤內翰啟

曩者分擅槐市接席芝堂荏苒星移倉皇雨絕問
地則三千里而遙計時則二十年之久命實不猶
霄谿遂判仰瞻仙署顧影增慙乃先生不遺塵吏
垂念笠交手頒溫諭副以稠施東籬菊餌未教彭
澤先輸北門羽觴反出蓬山特賜尊而善下誼實
邁於古人賤不使疎榮已深於窮谷謹因遙翰肅

謝洪慈朱炎負曝豈酬考履之殷碧冷擷絲式報
借籌之雅

答關蒲城啟

瑞質標崧英源遡維蘂珠榜下飄錦組於盛年筍
玉班中剖銅符于大邑氏出神仙之系學惟道德
千言家承忠孝之傳志在春秋一卷遷鶯出谷尚
依雙闕雲高攜鶴入關漸覺三峯日近維茲鸞翔
舊府原稱桑落名邦奈其吏習旣疲兼以民爭壽
幻苟非懸之夏日使玩者畏焉卽欲扇以春風亦
善者懼矣况當饑饉薦臻之日視粟猶珠抑且萑

苻未靖之方化鋤爲槌必烈如東里不辭鑄鼎之

善者懼矣况當饑饉薦臻之日視粟猶珠抑且荏

苻未靖之方化鋤爲槌必烈如東里不辭鑄鼎之
勞迨信似西門始識投巫之勇蓋治在因乎其俗
更絃之理宜先而任必俟乎其人騎竹之迎已亟
弟吳市漫郎燕臺狂客始也曳絲項國試鉛曾入
珂鄉今則縮墨彭衙分照還依粟岫事莫慚于越
俎猥遇投艱才實拙于借籌偶來承乏濡遲三月
政未逮于飲羊蕭瑟兩門民豈孚于徙木所懼螟
棲之从逾深霓望之殷伏願膏雨隨車逝矣雙鳧
之發薰風催棹飄然一葦之從看稻成孫獲歲歲
屢豐之樂憑藜扶老慰人人何暮之思碧羽上林

歐陽文忠公集卷三十一
五
蒙賚辭于初雁紅亭古堠用答意于前騶錦字遠
將缶音滋惕瞻芝伊邇傾藿靡涯

答吳白水啟

虎林霧蔚鰲嶺風搏名久媿於六安秩屢加於三
命優游文圃遠追季重才華磊落草廬共仰伯清
節概于是雙鳧化履爰分魏闕之符一鶴隨車適
受彭衙之組溯洄故里原止帶水可通邂逅他邦
若待腰章而合符迎榮旆屈芳春惠公非遲自
哂事道以事人之拙廉來何暮爭傳望君如望歲
之殷弟五年守土祇羸峴首豐碑三月攝官忽墮

萊蕪清甌未讀縱囚之論深愧歐陽竟罹議吏之

之殷弟五年守土祇羸峴首豐碑二月攝官忽墮

萊蕪清甌未讀縱囚之論深愧歐陽竟罹議吏之
威空悲司馬思歸有賦旣似葉以俱飄承乏無期
乃及瓜而未代方謂鄰交以道將依處守之季任
詎知敵起于舟翻遇擠排之林甫服誇狐白曾忘
背楫之愚文昧鉛黃唯恃腹刀之險再索環而不
應三騰篋以無休彭澤雖貧未是逋租之吏柳州
已逝偏來下石之人犀足照淵幸當路不因投杼
蜮常射影恐此生或中含沙所爲遙瞻芝蓋念切
朝饑唯祈速慰篠簞光開晝蔀義高孫宰庶杜甫
盡室能安政善尹君卽薛恭奉身獲退驚聞青鳥

銜尺素以先頒肅報紅牋杼寸丹而莫罄佳占東
氣已見鴻休慶得南朋曷勝燕喜

潘太母張孺人七袞徵詩啟

蓋聞貞石蟠松百尺之陰彌茂繁霜轢竹千齡之
節逾高荼或如飴在潔珩璜之佩繪雖後素終彰
黼黻之華是以婉孌鸞儀固常生於崇閣崢嶸鶴
算亦每見於寒閨啟彼琅函爰有駐髮怡顏之術
披茲彤史非無緯蕭畫荻之賢恭惟潘母張太孺
人天墜一星曾依柳畔家鄰千里常住蓴邊幼卽
嫺詩更習組紉之教長而織素還工緝緝之方閨

中號以鍼神林下欽其蕙質維時出湘藻金捧匝

嫺詩更習組紉之教長而織素還工緝緝之方閨
中號以鍼神林下欽其蕙質維時出湘藻釜捧匱
以對才人歸挽鹿車結褵而偕君子舉案則良偶
之雙髻方青登堂則慈親之半頭已白脫珥璫以
資夕誦經繡琴尊恤絡緯以備晨炊拮据井臼警
鷄樹柵旣小物之代籌鬪茗緡書亦寸陰之共惜
豈期芹水騷壇頻聞狎主瓊樓仙籙遽召修文乍
止鵬于承塵竟凋鷄于比翼薰風苔徑祇剩籃輿
涼月蓬牕尚畱綵筆孺人則呼云莫贖臨穴思從
稱曰未亡磨笄誓決奉尊嫜之慈命勉視藐孤返
先人之敝廬黯依孀閣篝燈合績筐傾虛牖之霜

繡佛同齋蔬摘小園之雨行隨鳩杖溫清頻煩凭
侍藤輪旨甘黽勉及夫耄耄大年孝貞奇節彰乎
藻闡旌自楓宸頒鐵畫於中涓灑懸禁楩賜金錢
于內府屹豎巍坊實賴顯揚之識仍資營建之謀
旣而鯉泉波冷玉樹陰繁九熊辛苦聰啟雙珠截
鬣從容譽成兩駿璧公藝林翔步綰綬而達皇衢
廉升槐市蜚英聯鑣而稱國器維飲椒之日久斯
啖蔗之思長蓋孺人之始也以婦職而殫子職爲
櫛沐之女宗繼也以母儀而擅師儀爲吟批之家
督宐其風霜顏渥金石神堅陪宴西池如玉卮之
獨秀分光南極與寶婺而齊輝茲者歲逢豕渡月

督宐其風霜顏渥金石神堅陪宴西池如玉卮之
獨秀分光南極與寶婺而齊輝茲者歲逢豕渡月
報樞開當太母設悅之辰正長君影纓之會紀靈
鳥於圖籥自古猶稀集彩鳳於階除于今爲盛寧
辭揆藻用佐鳴璈伏冀雲霄碩彥琬琰雄才或錫
難老之章珠投燕市或賡忘憂之曲霞照虹亭將
見管榘翡翠永流璫箱玉局之芳牋拂芙蓉遠發
瑤水鴻天之響

爲謝大理賀張臬憲啟

天上瑞星人中奇傑焚香畫省譽獨盛於望卽聯
步薇垣勲屢彰於分職旋膺特簡廼建榮綏九天

使節初入函關萬里荒雲卽開華嶽熬波出素裕
管筴於窮簷列駟成花通漢郵於絕塞旣舉廢而
振疲復愛賢而樂善座揮珠玉無時空文舉之尊
門接章縫不惜倒中郎之屣而且義踰指廩恩逮
貽餐事事周知起羣枯於洪澤人人滿願登衆感
於熙臺以是黃雀徵環綠蛇輸殺三槐甫植枝已
凌霄雙鳳偕飛羽偏輝日當一門之慶集適五載
之績成爰奉恩綸遂躋憲府蓋眷茲西土爭言君
子平政以紓聖主之憂而式是南邦尚賴哲人慎
刑以恤小人之命行見棠垂芟舍狴犴無鳴草鞠

園扉桁楊欲卧法明星紀永消鄒獄之寃德種雲

刑以恤小人之命行見棠垂芟舍狴犴無鳴草鞠
園扉桁楊欲卧法明星紀永消鄒獄之寃德種雲
曹共羨于門之大某一介牽絲十年佐幕量移廷
尉之末班濫竊春明之微祿然而枌社桑田原畱
秦隴老親稚子猶寄皖城向來棲托曾久沾轅戟
之光今此瞻依復近接閣鈴之響慈實承於兩地
感何異於二天紫泥煥爛預占玉鉉之升翠葆翩
翻乍喜麟符之錫雖識韓無路望切懸旌乃慕呂
有懷役思執御申芹私于一縷敢比乘韋寓鳧藻
于十行還憑尺素

爲丁丑庶常請閣學韓慕廬啟

星精集緯標紫府之英華嶽瑞效靈開丹丘之黼
黻五百龍飛之歲名世相逢三千鷺振之辰景行
在望管搖翡翠冷然之致凌風鈎發珊瑚皜乎之
光映日因通家而瞻塵後用修牘以代韋先恭惟
某官斗山碩望冰玉清姿遡世澤於高閎孝廉繩
武承家傳於舊學詩禮趨庭爰搜討夫六經更貫
穿乎百氏蘊潔淨精微之業抒雄深雅健之才甫
冠鴻都遂超棘院射策方傳第一祥驚五色之雲
題名復見無雙貴湧三都之紙寓先機於筆陣識
極滇池懸獨鑒於冰衡羣空冀野出臨史館折衷

玉筍之班入侍經筵迪德金華之殿乃猶性恬珪

極滇池懸獨鑿於冰衡羣空冀野出臨史館折衷

玉筍之班入侍經筵廸德金華之殿乃猶性恬珪
組興逸林泉請休沐於瀛洲寄閔情於茂苑髮未
絲而還里童孺知迂叟之名心似錦而成文禽鳥
入醉翁之記然而賢聲益懋帝眷彌殷遠錫溫綸
仍膺崇秩聚山川於腕下手握黃圖羅兵甲於曾
中日營青海無不副茲鉅典抽以秘思文章則起
衰自任續八家之緒領袖歐蘇風度則立懦爲懷
追四相之踪提衡范富朝端早推國士海隅咸仰
人師某等睹元和之登第卽鷄壇宿素亦誦鴻詞
聞崇政之說書雖鳳輦尊嚴常稱績學喜從遊於

玉署獲奉教於墨林已踰紅杏之期適迨素商之
節遙頒奎璧還從設讌西園近接蓬壺尚藉盞簪
東閣伏願鶴蓋儼臨貂輪賁止芝蘭香永四筵起
君子之風笙瑟音和三爵稱大夫之雅銀鈎燦爛
敏知刻蠟吟成金粟飄颻雄待霏珠談集恭馳鄙
臆綴卮語而葵傾欣迓芳儀眄騶行而鵠俟

乞書小啟

琇也百年已半心負閑居三仕未休名慚大隱直
非展氏曾爲一去之士師拙似潘生復作再來之
邑吏將辭燕市忽逢塞雁飛初欲適端州正值嶺

梅開後念生平旅跡都寄長安而往昔窮途每依

邑吏將辭燕市忽逢塞雁飛初欲適端州正值嶺

梅開後念生平旅跡都寄長安而往昔窮途每依
良友蘭臺鳳閣非無少年昆弟之交詩屐酒壚尚
有短褐風塵之客同遊感慨之鄉豈乏別離之恨
因貽素帙用乞雕章倘鴻篇製由燕許不須定係
贈言或佳翰灑自鍾王何必更題賤字請止三晷
爲期遂以十行見錫藏諸藤篋儼秘監之追從緡
以牙籤恍故人之披對此日負琴載鶴如行攜合
浦之珠他年望菊瞻松卽歸代鬱林之石

送扶搖叔筆筒啟

老叔已踰磻溪垂釣之年猶擁伏生授經之席尚

稽當日杏壇別畱佳話足徵他時海屋無限奇齡
謹製梨筒奉貽絳帳輪囷於外唯理則文空洞其
中以容爲德毛生卓立何須翡翠之牀管子橫陳
卽是珊瑚之架濶可周乎墨海高僅亞於硯山攜
自仙家永伴穀城黃石傳諸賢裔亦稱叔武青箱
聊因炎國雙魚更益文房一寶

臨野堂文集卷三終

臨野堂文集卷三終



9

中華書局影印



書名	疏野堂集		
冊數	6	版別	紙
議價	7.00		
編號	前	字第	174 號

北京市圖書出版業同業公會印製





24902



2490

